

ԼԵՂՆԱՅԻՆ ԴԱՐԱՄԱՂԻ ՀԱՆՐԱՊԵՏՈՒԹՅԱՆ

ՕՐԵՆՔԸ

ՀՍԿԻՉ-ԴՐԱՄԱՐԿՈՎԱՅԻՆ ՄԵՔԵՆԱՆԵՐ ԿԻՐԱՌՈՂԻՆԵՐԻ ԳՈՐԾՈՒԵՌՈՒԹՅԱՆ ԿԱՍԵՑՄԱՆ ՄԱՍԻՆ

ԳԼՈՒԽ 1

ԸՆԴՀԱՆՈՒՐ ԴՐՈՒՅԹՆԵՐ

Հոդված 1. Օրենքի նպատակը

Սույն օրենքը կարգավորում է Արցախի⁴⁾ Հանրապետության տարածքում հսկիչ-դրամարկղային մեքենաների կիրառման, գրանցման և (կամ) շահագործման կանոնների խախտման դեպքերում առևտրային գործունեություն իրականացնող սուբյեկտների գործունեության կասեցման հիմքերը, կարգը, ինչպես նաև գործունեության կասեցման կապակցությամբ ծագող հարաբերությունները և սահմանում է սույն օրենքի խախտման համար պատասխանատվությունը:

Հոդված 2. Օրենքի գործողության ոլորտը

Սույն օրենքի գործողությունը տարածվում է Արցախի⁴⁾ Հանրապետության տարածքում առևտրային գործունեություն իրականացնող իրավաբանական անձանց, դրանց առանձնացված ստորաբաժանումների (մասնաճյուղերի, ներկայացուցչությունների), օտարերկրյա կազմակերպությունների առանձնացված ստորաբաժանումների (մասնաճյուղերի, ներկայացուցչությունների) (այսուհետ՝ կազմակերպություններ) և անհատ ձեռնարկատերերի վրա:

Հոդված 3. Գործունեության կասեցման մասին օրենսդրությունը

Գործունեության կասեցման մասին օրենսդրությունը ներառում է սույն օրենքը, «Հսկիչ-դրամարկղային մեքենաների կիրառման մասին» Լեռնային Ղարաբաղի Հանրապետության օրենքը և այլ իրավական ակտեր:

Հոդված 4. Օրենքում օգտագործվող հիմնական հասկացությունները

Սույն օրենքի հիմնական հասկացություններն են՝

գործունեության կասեցում՝ օրենքով լիազորված պետական կառավարման մարմնի որոշմամբ որոշակի տարածքում որոշակի ժամկետով կազմակերպությունների կամ անհատ ձեռնարկատերերի առևտրային գործունեության իրականացման ժամանակավորապես արգելում.

լիազորված պետական կառավարման մարմին՝ Արցախի Հանրապետության հարկային մարմին⁴⁾ (այսուհետ՝ լիազորված մարմին).

գործունեության կասեցման օբյեկտ՝ գործունեության իրականացման վայր, որտեղ գործունեությունը օրենքով սահմանված դեպքում ենթակա է կասեցման.

գործունեության կասեցման սուբյեկտ՝ կազմակերպություն կամ անհատ ձեռնարկատեր, որն իրականացրել է այնպիսի գործողություն, որի համար օրենքով նախատեսվում է գործունեության կասեցում.

գործունեության կասեցման ժամկետ՝ օրենքով սահմանված ժամկետ, որի ընթացքում կասեցվում է գործունեությունը:

ԳԼՈՒԽ 2

ԳՈՐԾՈՒԵՌՈՒԹՅԱՆ ՏԵՍԱԿՆԵՐԸ, ՈՐՈՆՔ ԵՆԹԱԿԱ ԶԵՆ ԿԱՍԵՑՄԱՆ

Հոդված 5. Գործունեության տեսակները, որոնք ենթակա չեն կասեցման

Սույն օրենքին համապատասխան կասեցման ենթակա չեն հիվանդանոցների և ամբողջապես բուժիչմնարկների կողմից բուժօգնության և բուժսպասարկման ծառայությունների մատուցումը:

ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՀԻՄՔԵՐԸ և ԿԱՍԵՑՄԱՆ ՄԱՍԻՆ ՈՐՈՇՈՒՄՆԵՐԻ ԸՆԴՈՒՆՈՒՄԸ

Հոդված 6. Գործունեության կասեցման հիմքերը և կասեցման մասին որոշումների ընդունումը

1. Սույն օրենքի կիրառման իմաստով՝ կազմակերպությունների կամ անհատ ձեռնարկատերերի գործունեության կասեցման հիմքերը սահմանված են «Հսկչ-դրամարկղային մեքենաների կիրառման մասին» Լեռնային Ղարաբաղի Հանրապետության օրենքով:

2. Կազմակերպության կամ անհատ ձեռնարկատիրոջ գործունեության կասեցման մասին որոշումն ընդունում է լիազորված մարմնի դեկավարը՝ կասեցման հիմք հանդիսացող խախտումն արժանագրելու օրվան հաջորդող երրորդ աշխատանքային օրվանից հետո՝²⁾ երեսուն օրվա ընթացքում:

3. Գործունեության կասեցման մասին որոշման մեջ նշվում է՝

ա) կասեցման սուբյեկտը և օբյեկտը.

բ) կասեցման ենթակա գործունեության տեսակը.

գ) կասեցման պատճառները, իրավական հիմքերը և կասեցման ժամկետը (կասեցման առաջին և վերջին օրերը):

4. Գործունեության կասեցման մասին լիազորված մարմնի դեկավարի որոշումը տրվում է կասեցման սուբյեկտի դեկավարին կամ նրան փոխարինող պաշտոնատար անձին ոչ ուշ, քան որոշումն ընդունելու օրվան հաջորդող երեք՝²⁾ աշխատանքային օրվա ընթացքում:

5. Գործունեության կասեցման սուբյեկտի դեկավարի կամ նրան փոխարինող պաշտոնատար անձի գրավոր դիմումի դեպքում, մինչև գործունեության կասեցումը, կասեցման տարածքում գտնվող՝ շուտ փշացող ապրանքները հեռացնելու կամ դրանց պահպանման և ապահովության մասին հոգալու համար լիազորված մարմնի դեկավարի որոշմամբ տրվում է առավելագույնը երօրյա ժամկետ: Այդ դեպքում կասեցման ժամկետի սկիզբ է հանդիպում նշված ժամկետը լրանալու հաջորդ աշխատանքային օրը:

6. Գործունեության կասեցումն իրականացվում է լիազորված մարմնի պաշտոնատար անձանց կողմից գործունեության կասեցման օբյեկտի տարածքի մուտքը (մուտքերը) կամ տարածք մուտք գործելու այլ հնարավոր ուղիները կնքելու, կապարակնելու, դրոշմելու, թվային, տառային կամ այլ դրոշմավորման եղանակի կիրառման միջոցով: Այդ միջոցները պետք է բացառեն գործունեության կասեցման օբյեկտ մուտք գործելը կամ մուտք գործելու փորձ կատարելն առանց տեղադրված միջոցները վնասելու: Սույն մասում նշված միջոցները կարող են փոփոխվել կամ վերացվել միայն լիազորված մարմնի կողմից կամ նրա գրավոր թույլտվությամբ:

7. Գործունեության կասեցման մասին լիազորված մարմնի որոշման քաղվածքը՝²⁾ լիազորված մարմինը փակցնում է կասեցման օբյեկտի մուտք՝ հաճախորդների և գնորդների համար տեսանելի մասում, իսկ արտարժույթի առք ու վաճառքի և արտարժույթի դիլերային-բրոքերային՝³⁾ առք ու վաճառքի գործունեության կասեցման դեպքում լիազորված մարմնի որոշման ընդունման պահից երօրյա ժամկետում այդ մասին գրավոր տեղեկացվում է Հայաստանի Հանրապետության կենտրոնական բանկին:

8. Գործունեության կասեցման ընթացքում արգելվում է գործունեության կասեցման սուբյեկտների կողմից գործունեության կասեցման օբյեկտում իրականացնել գործունեություն, գործառույթ կամ գործողություն, որոնք ուղղված են կասեցման հիմքերը վերացնելուն, ինչպես նաև կասեցման մասին որոշմամբ նախատեսված միջոցառումներն իրականացնելուն: Գործունեության կասեցման ընթացքում սույն մասում նշված գործունեությունը, գործառույթը կամ գործողությունը կասեցման սուբյեկտների համապատասխան պաշտոնատար անձինք կատարում են լիազորված մարմնի գրավոր թույլտվությամբ:

10. Սույն օրենքով նախատեսված դրույթներից չքիսող՝ գործունեության կասեցման մասին որոշումներն անվավեր են:

Հոդված 7. Գործունեության կասեցման վերացումը

1. Գործունեության կասեցման ավարտի ժամկետ է համարվում գործունեության կասեցման մասին որոշմամբ նախատեսված օրը:

2. Եթե գործունեության կասեցման ժամկետը սահմանվել է մինչև կասեցման համար խախտման հիմքի վերացումը, ապա կասեցման ավարտի ժամկետ է համարվում գործունեության կասեցման սուբյեկտի կողմից խախտման հիմքերը վերացնելու մասին հայտարարությունը (համապատասխան հիմնավորող փաստաթղթերը) լիազորված մարմնի մուտքագրելու օրվան հաջորդող երրորդ օրը, եթե այդ ընթացքում լիազորված մարմինն այլ որոշում չի կայացնում կամ ավելի կարծ ժամկետ չի սահմանում:

3. Գործունեության կասեցման սուբյեկտների գործունեության կասեցման ավարտի մասին որոշումն ընդունում է լիազորված մարմնի դեկավարը:

Հոդված 8. Պատասխանատվությունը սույն օրենքի պահանջների խախտման համար

1. Գործունեության կասեցման ընթացքում գործունեության կասեցման օբյեկտի տարածքի մուտքը (մուտքերը) կամ տարածք մուտք գործելու այլ հնարավոր ուղիները կնքելու, կապարակնքելու, դրոշմելու, բվային, տառային կամ կիրառված այլ դրոշմավորման եղանակն առաջին անգամ վճարելու և կասեցման օբյեկտում կասեցման մասին դրոշմամբ սահմանված գործունեություն, գործառույթ կամ գործողություն առաջին անգամ իրականացնելու դեպքում կասեցման սուբյեկտները սույգանվում են երեք հարյուր հազար դրամի չափով:

Սույն դրոշմամբ գործունեության կասեցման ընթացքում սույն մասի առաջին պարբերությամբ նախատեսված խախտումը երկրորդ և ավելի անգամ կրկնելու դեպքում կասեցման սուբյեկտները սույգանվում են մեկ միլիոն դրամի չափով:^{*2)}

2. Տուգանքը նշանակվում է գործունեության կասեցման մասին որոշում ընդունած լիազորված մարմնի դեկավարի որոշմամբ:

3. Սույն հոդվածի առաջին մասով սահմանված տուգանքը, նշանակման օրվանից եռամսյա ժամկետում չվճարելու դեպքում, կրկնապատկվում է:

4. Սույն հոդվածով սահմանված տուգանքների գումարների տասը տոկոսի չափով մասհանումները գանձվում են «Հարկային ծառայության մասին» Լեռնային Ղարաբաղի Հանրապետության օրենքի 28-րդ հոդվածով նախատեսված հարկային մարմնի նյութական խրախուսման և^{*3)} համակարգի զարգացման ֆոնդ:^{*3)}

Գ Լ Ռ Խ 4

ԵԶՐԱՓԱԿԻՉ ԴՐՈՒՅԹ

Հոդված 9. Եզրափակիչ դրույթ

Սույն օրենքն ուժի մեջ է մտնում պաշտոնական իրապարակումից 30 օր հետո:

**ԼԵՇԻՆԱՅԻՆ ՊԱՐԱԳԱԴԻ
ՀԱՆՐԱՊԵՏՈՒԹՅԱՆ ՆԱԽԱԳԱՀ**

Ա. ՊՈՒԿԱՍՅԱՆ

20 մարտի 2007թ.

ք. Ստեփանակերտ

ՀՕ -15

*1) «ՀԱՎՀ-ԴՐԱՄԱՐԿՂԱՅԻՆ ՄԵՔԵՆԱՄՆԵՐ ԿԻՐԱՐՈՂՆԵՐԻ ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՄԱՍԻՆ» ԼԵՇԻՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄ ԿԱՍՏԱՐԵԼՈՒ ՄԱՍԻՆ» ԼՂ ՕՐԵՆՔԻ (12.12.07թ. ՀՕ-95) ԽՄԲԱԳՐՈՒԹՅԱՄԲ:

*2) «ՀԱՎՀ-ԴՐԱՄԱՐԿՂԱՅԻՆ ՄԵՔԵՆԱՄՆԵՐ ԿԻՐԱՐՈՂՆԵՐԻ ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՄԱՍԻՆ» ԼԵՇԻՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՎԻԿԻԴԱԿԱՐՈՒՄՆԵՐ և ԼՐԱՑՈՒՄ ԿԱՍՏԱՐԵԼՈՒ ՄԱՍԻՆ» ԼՂ ՕՐԵՆՔԻ (29.12.08թ. ՀՕ-88-Ն) ԽՄԲԱԳՐՈՒԹՅԱՄԲ:

*3) «ՀԱՎՀ-ԴՐԱՄԱՐԿՂԱՅԻՆ ՄԵՔԵՆԱՄՆԵՐ ԿԻՐԱՐՈՂՆԵՐԻ ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՄԱՍԻՆ» ԼԵՇԻՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄ ԿԱՍՏԱՐԵԼՈՒ ՄԱՍԻՆ» ԼՂ ՕՐԵՆՔԻ (16.12.10թ. ՀՕ-73-Ն) ԽՄԲԱԳՐՈՒԹՅԱՄԲ:

*4) «ՀԱՎՀ-ԴՐԱՄԱՐԿՂԱՅԻՆ ՄԵՔԵՆԱՄՆԵՐ ԿԻՐԱՐՈՂՆԵՐԻ ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՄԱՍԻՆ» ԼԵՇԻՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՎԻԿԻԴԱԿԱՐՈՒՄՆԵՐ ԿԱՍՏԱՐԵԼՈՒ ՄԱՍԻՆ» ԱՂ ՕՐԵՆՔԻ (21.12.17թ. ՀՕ-70-Ն) ԽՄԲԱԳՐՈՒԹՅԱՄԲ:

*5) «ՀԱՎՀ-ԴՐԱՄԱՐԿՂԱՅԻՆ ՄԵՔԵՆԱՄՆԵՐ ԿԻՐԱՐՈՂՆԵՐԻ ԳՈՐԾՈՒՆԵՈՒԹՅԱՆ ԿԱՍԵՑՄԱՆ ՄԱՍԻՆ» ԼԵՇԻՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄ ԿԱՍՏԱՐԵԼՈՒ ՄԱՍԻՆ» ԱՂ ՕՐԵՆՔԻ (31.10.18թ. ՀՕ-69-Ն) ԽՄԲԱԳՐՈՒԹՅԱՄԲ: